



202501 NATIONAL CENTRAL LIBRARY TAINAN T.C.C.



1437201



大乘伽耶山頂經

唐南天竺國三藏法師菩提流志等第四譯

如是我聞一時婆伽婆住伽耶城山頂精舍與大比丘衆一千人俱其先悉是長髮梵志皆阿羅漢諸漏已盡所作已辦捨諸重擔逮得已利盡諸有結正知解脫心得自在到於彼岸復與無量諸菩薩摩訶薩衆俱爾時世尊得成正覺其日未久寂然宴坐入于三昧觀察法界作是念言我已證菩提已得聖智慧已辦所應作已捨諸重擔已出生死曠野已捨離無明復於智明已拔毒箭已盡渴愛已證法界已擊法



鼓已吹法螺已建法幢已捨離生死眼說於法眼已
閉惡道開氣善道已捨非田示諸福田我今審觀如
是之法誰能現證已證當證爲身證耶爲心證乎若
身證者身是頑鈍無覺無思猶如草木牆壁瓦石從
於四大父母所生無常敗壞散滅之法必假塗洗衣
食等緣而得存立若心證者心如幻化無相無形無
所依處無所容受又菩提者隨於世間而立名字無
音響無形色無成實無相狀無來無去不入不
出於三界無有處所不可見聞不可憶念離攀緣處非
戲論境無所入無文字不可動搖不可安立絕於一
切語言之道而言現證已證當證但唯名字虛妄分
別無生無起無有體性不可取不可說不可愛著是
中實無已成正覺現成正覺及當成者若能如是無
證無成乃得名爲成正覺耳何以故菩提者離於一
切變動相故爾時文殊師利菩薩摩訶薩知佛所念
而作是言世尊若菩提如是相者諸善男子善女人
發菩提心應云何任佛言文殊師利如菩提相應如
是住文殊師利菩薩言世尊何者是菩提相佛言文
殊師利菩提相者獨超三界雖隨世俗而有名字遠
離一切音聲言說諸菩薩衆發趣菩提從初發心則



無所趣是故文殊師利諸善男子善女人應以遠離
發趣之心而住菩提文殊師利若諸菩薩能發趣於
無所趣者是則趣向菩提之道文殊師利趣於無自
性是趣向菩提趣於無處所是趣向菩提趣於法界
性是趣向菩提趣於一切法中無所執著是趣向菩
提趣於實際無差別是趣向菩提趣於如鏡中像如
光中影如水中月如熱時燄是趣向菩提爾時眾中
有天子名淨月威光白文殊師利菩薩言大士諸菩
薩摩訶薩修習何行依何處修文殊師利菩薩言天
子諸菩薩摩訶薩修大悲行依於一切眾生處修淨
月天子又問言菩薩大悲依何心起文殊師利菩薩
言菩薩大悲依無諍誰心起又問言無諍誰心依何
而起答言無諍誰心依於一切眾生平等心起又問
於一切眾生平等心依何而起答言依於入非一非
異法性心起又問入非一非異法性心依何而起答
言依深信心起又問深信心依何而起答言依菩提
心起又問菩提心依何而起答言依六波羅蜜起又
問六波羅蜜依何而起答言依方便慧起又問方便
慧依何而起答言依不放逸起又問不放逸依何而
起答言依三種淨行起又問三種淨行依何而起答



言依十善業道起又問十善業道依何而起答言依
持淨戒起又問持淨戒依何而起答言依如理思惟
起又問如理思惟依何而起答言依觀察心起又問
觀察心依何而起答言從憶持不忘起爾時淨月威
光天子復問文殊師利菩薩言大士諸菩薩發菩提
心凡有幾種於因於果而得成就文殊師利菩薩言
天子諸菩薩發菩提心凡有四種於因於果而得成
就何等爲四一者初發心二者解行住發心三者不
退轉發心四者一生補處發心應知初發心爲解行
住因解行住發心爲不退轉因不退轉發心爲一生

補處因一生補處發心爲一切智因復次天子應知
初發心如田中下種解行住發心如芽漸增長不退
轉發心如枝葉華果次第出生一生補處發心如果
實成變復次天子第一發心如造車人先集於材第
二發心如得材已各別治淨第三發心如彼匠人造
車成就第四發心如以其車引重致遠復次天子第
一發心猶如初月第二發心如五日夜至七夜月第
三發心如十日夜月第四發心如十四日夜月應知
如來所有智慧譬如明月至十五夜一切光色悉皆
圓滿復次天子第一發心超聲聞地第二發心超辟



支佛地第三發心超不定地第四發心住決定地復次天子第一發心譬如有人初學字母第二發心如彼學人漸解分析第三發心如學已久善知算數第四發心如學成奠了達諸論復次天子第一發心菩薩住因第二發心菩薩住智第三發心菩薩住斷第四發心菩薩住果復次天子第一發心因所攝第二發心智所攝第三發心斷所攝第四發心果所攝復次天子第一發心從因而起第二發心從智而起第三發心從斷而起第四發心從果而起復次天子第一發心因差別分第二發心智差別分第三發心斷

差別分第四發心果差別分復次天子第一發心如採集眾藥第二發心如分辦藥性第三發心如隨病合藥第四發心如服藥除愈復次天子第一發心生法王家第二發心學法王法第三發心學得解了第四發心學得自在爾時會中有天子名決定光明白文殊師利菩薩言大士何者是菩薩摩訶薩速疾道諸菩薩摩訶薩行此道疾得阿耨多羅三藐三菩提文殊師利菩薩言天子菩薩摩訶薩速疾道有二種諸菩薩摩訶薩行此道疾得阿耨多羅三藐三菩提云何爲二一者方便道二者般若道方便道者攝諸

善法嚴若道者了知簡擇方便道者不捨眾生般若道者能捨諸法方便道者知法和合般若道者知不和合方便道者能爲因緣般若道者能至寂滅方便道者能知諸法差別之相般若道者能知法界無差別理方便道者能具莊嚴諸佛國土般若道者能知諸佛國土平等方便道者能知眾生根行不同般若道者能知根行空無所有方便道者令諸菩薩詣於道場般若道者能令菩薩速無所覺天子菩薩摩訶薩復有二種速疾道云何爲二一者資糧道二者決擇道資糧道者謂施等五波羅蜜決擇道者謂般若波羅蜜有著道無著道有漏道無漏道皆如是說復有二種速疾道云何爲二一者有量道二者無量道有量道者謂有相位無量道者是無相位復有二種速疾道所謂智道及以斷道智道者謂從初地至第七地斷道者從於八地至第十地爾時會中有菩薩名勇修智信白文殊師利菩薩言大士云何爲菩薩摩訶薩所知義云何爲菩薩摩訶薩所修智文殊師利菩薩言善男子義非和合智是和合勇修智信菩薩言大士以何因故義非和合智是和合文殊師利菩薩言善男子義是無爲無爲則非義非義中無有



法若和合若不和合義是無變異無成實不可取不
可捨皆如是說善男子智名爲道道與心和合非不
和合復次善男子智唯是和合非不和合勇修智信
菩薩言大士何因緣故智惟是和合非不和合文殊
師利菩薩言善男子智善能觀察蘊處界善觀察緣
起法善觀察處非處以是故惟和合非不和合復次
善男子菩薩摩訶薩有十種智何等爲十一者因智
二者果智三者義智四者方便智五者般若智六者
攝智七者波羅蜜智八者大悲智九者教化眾生智
十者於一切法無所著智善男子如是名爲菩薩摩
訶薩十種智復次善男子菩薩摩訶薩有十種發起
何等爲十一者身發起爲一切眾生淨治身業故二
者口發起爲一切眾生淨治口業故三者心發起爲
一切眾生淨治意業故四者內發起於一切眾生無
所取著故五者外發起於一切眾生行平等行故六
者智發起修習一切佛智故七者國土發起示現一
切佛利功德莊嚴故八者教化眾生發起知諸煩惱
病藥故九者真實發起能成就決定聚故十者無爲
智滿足發起於一切三界心無所著故善男子如是
名爲菩薩摩訶薩十種發起復次善男子菩薩摩訶



薩有十種行何等爲十一者波羅蜜行二者攝物行
三者般若行四者方便行五者大悲行六者求慧資
糧行七者求智資糧行人者清淨信心行九者人諸
諦行十者不分別愛憎境行善男子如是名爲菩薩
摩訶薩十種行復次善男子菩薩摩訶薩有十種無
盡觀何等爲十一者身無盡觀二者事無盡觀三者
法無盡觀四者愛無盡觀五者見無盡觀六者資糧
無盡觀七者取無盡觀八者無所執著無盡觀九者
相應無盡觀十者道場識自性無盡觀善男子如是
名菩薩摩訶薩十種無盡觀復次善男子菩薩摩訶
薩有十種調伏行何等爲十一者調伏慳嫉行捨施
如兩故二者調伏破戒行三業清淨故三者調伏瞋
恚行修習慈心故四者調伏懈怠行求法無倦故五
者調伏不善行得禪解脫神通故六者調伏無明行
生決定善巧慧資糧故七者調伏諸煩惱行圓滿一
切智資糧故八者調伏顛倒行出生真實不顛倒資
糧道故九者調伏不自在行於時非時自在故十者
調伏著我行觀察諸法無我故善男子如是名爲菩
薩摩訶薩十種調伏行復次善男子菩薩摩訶薩有
十種寂靜地何等爲十一者身寂靜地遠離三種身

TIFFEN Color Control Patches



不善業故二者口寂靜地淨治四種口業故三者心
寂靜地永捨三種意惡行故四者內寂靜地不執著
自身故五者外寂靜地不執著一切諸法故六者智
資糧寂靜地不執著所行道故七者不自高寂靜地
觀察聖智自性故八者究竟邊際神通寂靜地出生
般若波羅蜜故九者滅戲論寂靜地不欺誑一切眾
生故十者不顛戀身心寂靜地大悲教化眾生故善
男子如是名為菩薩摩訶薩十種寂靜地復次善男
子諸菩薩摩訶薩如實行者能得菩提不如實行則
不能得如實行者如其所說則如是行不如實行者
但有言說不能信受不能修習復次善男子菩薩摩
訶薩有二種如實行何等為二一者道如實行二者
斷如實行善男子菩薩摩訶薩復有二種如實行何
等為二一者自調伏如實行二者教化眾生如實行
善男子菩薩摩訶薩復有二種如實行何等為二一
者有功用智如實行二者無功用智如實行善男子
菩薩摩訶薩復有二種如實行何等為二一者善建
立諸地如實行二者善觀察諸地無差別如實行善
男子菩薩摩訶薩復有二種如實行何等為二一者
善遠離諸地過失如實行二者善圓滿諸地功德如



實行善男子菩薩摩訶薩復有二種如實行何等爲
二一者善說聲聞辟支佛地如實行二者善說諸佛
菩提不退轉法如實行善男子菩薩摩訶薩有如是
等無量無邊如實行法若能如是如實行者當知是
人不久得阿耨多羅三藐三菩提諸菩薩摩訶薩應
勤修學爾時世尊讚文殊師利菩薩言善哉善哉文
殊師利快說此語佛說此經已文殊師利菩薩摩訶
薩勇修智信菩薩摩訶薩淨月威光天子決定光明
天子及餘眾會一切世間天人阿脩羅等皆大歡喜
信受奉行

大乘伽耶山頂經


吳江居士周被施刻此卷
高祖姚韓氏錄昔得華嚴證菩提
益州沙門性淨刻長洲徐晉書進賢翁正復刻
萬曆己亥春三月徑山寂照庵藏



佛說決定總持經

西晉三藏法師竺法護譯

聞如是一時佛在羅閱祇耆闍崛山中與大比丘千二百五十菩薩八萬一切大聖神通已達皆不退轉究竟諸瀆已速總持辯才微妙曉了善權方便之宜善學無數菩薩樂戒入于深要體解十二緣起合會行無所造空無相願不起不生一切諸法使人一道諸通慧海攬攝法藏其意廣普聖覺無際明識眾生分別美辭章句之趣所問則答靡不通暢得眾生意解諸結縛心等如空無有憎愛離於眾垢寂然永安



逢無瑕疵成大衆場演智慧矣降伏外學猶如日明
銷螢火燿及摩尼珠火電之暉絕去放逸業諸顛倒
所計有常斷滅之觀了知無我無壽無命無人無養
寂然觀察諸所興起無失鼓劫行菩薩道被正德鑑
化一切人六度無極修於四恩從權方便出生死道
以斯開導迷惑之衆示于禍福救濟苦惱令不復造
生死根莖皆得進趣至三昧門其各曰無憂智菩薩
師子樂菩薩光英王菩薩梵音響如雷兩菩薩無量
德寶菩薩禰華菩薩若干瓔珞莊嚴菩薩石摩王菩
薩法雨菩薩蓮華首藏王菩薩瓌虛狀意見菩薩大
智光明菩薩辯演若干種王菩薩如是等類菩薩八
萬爾時世尊與無央數百千之衆眷屬圍繞而爲說
經其法名曰決總持門彼時會中有族姓子等輩十
人咸共聽受聞如來宣決總持門欣然踊躍善心生
焉棄捐睡眠樂處閑居修止足德專志經行夙夜精
進無敢懈怠離於放逸貪欲之想如是殷勤不廢精
進至于七年終竟七載其心馳騁不得須臾定息一
時何況乃當逮總持門不得所願其意患狀節德閑
居樂於睡眠廢於精進不復經行捨欲之事不復修
學總持之門釋沙門服捨戒就賤迷惑志性求聖教

短皆歸居家還習五業於時世尊爲王阿闍黃決虛
妄疑已除猶豫七日寂然則演聖威因令其王不爲
放逸心懷評訟解散王結一切調戲諸所見縛竟七
日已與七億人往詣佛所欲啓受法十族姓子求聖
短者亦侍從王在於大眾是時座中有一菩薩名無
怯行致得總持從無數劫成就法忍速無從生無有
顛倒辯才無量入一切智正慧道方分別隨順度無
極行曉無思議總持門品普見一切衆生志性根源
所趣應可化者而爲說法不失其本卽從座起偏露
右脅右膝著地叉手白佛惟天中天此族姓子等類

十人出家修道夙夜精進七歲不懈欲求總持所願
不獲失其本志捨沙門服還家居業察聖教短惟願
世尊演說法義以權方便如應開化令族姓子改往
修來當自歸命無上大道佛告無怯行菩薩斯族姓
子乃往過去久遠世時謫毀佛法不肯聽受以用謫
毀越佛法故由是所致不得疾獲無上大道無怯行
菩薩以頌問佛曰

我聞人中尊	法王演光明	諸菩薩所行
得銷除殃罪	功勳慧遠布	無能越度者
十力無等倫	聖智無罣礙	已脫於三處

則不爲放逸 惟爲說其行 使淨斯道業
今啓於無量 執懷甘露慧 當爲分別說
猶豫意結網 今實於如來 世尊惟爲沃
何謂諸菩薩 修行於大乘 日日常精進
最勝行無懈 降伏魔官屬 燒盡羸塵穢
曉了一切行 顯示於眾生 惟爲分別說
道行之本業 言辭甚微妙 和顏爲人說
在於生死處 樂度終始患 諦聽所歎詠
解決眾狐疑 最勝願爲說 如應修道行
善修德清淨 本行滅生死 愍哀施安隱

以濟眾生意 捐棄周旋處 惠寶及車乘
頭目施與人 妻子亦如是 欽敬行忍辱
好於禁戒德 精進修寂願 曉了堅固志
眾會以此德 能忍百千患 仁尊所遊步
勝通便無礙 明識所當行 知節無猶豫
滅除三垢穢 所致無能極 分別出家業
開化於五趣 安住惟爲說 如應當行道
佛告無任行菩薩此族姓子等類十人過去世時違
犯諸佛誨誦經典何謂違犯諸佛之法乃往過去久
遠世時更歷三十二劫餒氣世界有佛名曰光世音

如來至真等正覺明行成爲善逝世間解無上士道
法御天人師爲佛世尊是族姓子等類十人在於彼
世爲大豪貴長者作子佛滅度後處於末學爲其世
尊與立功德五百塔寺講堂精舍以若干種供養之
具而用給足諸比丘僧一塔寺所有精舍百千比
丘遊居其中於彼世時有一菩薩名曰辯積逮得總
持執權方便進退隨宜開化一切而爲說法適處高
座五百諸佛教授辯才八十億天子在於虛空淨除
衆穢莊嚴校飾化作講堂豎諸幢旛供養法師慇懃
一切而爲說經七萬人衆逮不退轉成無上正真之

道又一萬人得須陀洹果時彼世界有國王名曰月
施愛樂道法渴仰經義以法自娛于時國王供養法
師辯積菩薩與其中宮貴人姝女五百之衆大作妓
樂以寶爲華而散其上和栴檀香用塗其體以五百
蓋而覆其上五百細妙衣服供養晝夜七日住不敢
坐奉以所安隨其所宜不失時節甚敬法師最爲無
上巍巍之尊福無過者時大豪貴長者之子誹謗橫
枉辯積菩薩法師言毀法戒不隨禁業以是罪故墮
於地獄滿九萬歲生於人間五萬世中墮在邊地夷
狄之中迷惑邪見罪蓋覆蔽六百世中常當生盲瘡



癡無舌不能言語出家爲道作沙門來更七百世殷
勤精修不惜身命不得總持今復來生於我之世意
數數亂不能專定以是之故宿命餘殃罪蓋所蔽而
今此輩諸族姓子不得總持是故賢者囑累汝等鄭
重告勅聞是經典面見法師爲人頌宣咸共供養不
當愁憂心懷毒害況復遙聞生惡心耶佛言族姓子
假使有人皆取衆生挑其兩眼斯罪雖重尚不堪任
劫數盡竟若有害意向於法師罪之劫數復過於彼
假使有人皆取衆生好鬪諍者和諸別離廣令安隱
若見法師一心住前是諸功德過於和合衆生鬪諍

今得安隱百倍千倍萬倍億倍巨億萬億不及悅顏
住菩薩前所以者何其有誹謗於法師者則謗於法
謗法者則謗如來欲得供養於如來者當奉法師欲
敬如來當順法師欲禮如來當禮法師所以者何諸
菩薩等皆從法生從諸菩薩成一切智因一切智成
佛世尊菩薩所起因與道心不以住欲在於塵勞得
稽首禮由無所生則無所住淨修梵行見稽首禮不
以無色三昧正受禮於無色也不以餘殃而就所生
所願自在因其所願而往生矣已得解脫一切愚冥
凡夫之行欲令菩薩有餘殃者猶使虛空有其色像

譬如族姓子阿耨達龍王欲見諸龍遊戲之時教告一切諸龍眷屬皆依龍王而得安隱常脫三痛能爲無患菩薩如是捨一切樂斷三毒罪滅蓋塵勞壞鬼苦惱爾乃爲安度脫衆生譬如蚊龍遊於水中而無所畏菩薩如是遊於三界亦無所懼譬如蚊人行於深水見中所有恣意所欲而不爲水之所害也菩薩如是遊於盲冥凡夫之衆住其所行惟觀慧義不違道行不與愚人而俱同塵不爲三處所見沒溺是故行者常當將護奉法安詳此爲菩薩之所修業佛時頌曰

其欲歸命佛	敬承無量聖	常供養菩薩
欽奉於導師	吾今所衣鉢	牀榻諸坐具
佛皆以此供	聽施志道者	所上佛燈火
以是燈給之	如是成正覺	諸聖中最上
飲食車乘施	斯等諸慧士	爲愚之導者
將至甘露方	一切衆生類	施天人間安
以順初發意	不能報其恩	

無怯行菩薩復白佛言惟天中天寧有方便使此十人族姓子等銷除罪殃得至道乎佛言設此十人一心受學佛所頒宜修是法律復爲沙門勤諷誦斯總

持章句可成道耳何謂總持章句

修清澄

鮮潔句

清且涼

無所受

亦無造

無所淨

遊速疾

取新生

奉精進

禮行步

勤修行

智晚了

至觀察

無所趣

去患難

遊慕便

舉輕便

昔清淨

無不淨

佛告無法行菩薩此等十人以諷誦是總持章句而於七日修思德無所下使無色不懷暎患安詳不久遊無所作無瑕穢心平等捨所有離五陰釋不淨意令佛諸族姓子設能如是奉遵道教十方世界各有

千佛示現其前令自見之剋心自責歸命聖尊罪殃可除逮成道慧諸族姓子時聞佛教等順法律即捨家業出爲沙門諷誦此總持章句如聖所誨晝夜七日精進末行竟七日已轉見十方各有千佛分別爲說銷罪之業應時皆得修普智行總持之門超三十六劫生死之難速不退轉當成無上正真之道也佛告無法行菩薩爾時月施國王者今現在阿彌陀佛是其辯積者阿閼如來是十長者子者今此十人族姓子是也故無法行其有志學菩薩乘者殷勤奉修如佛所教住于正法捨置無明慎無伺求他人之短



也佛告無法行菩薩有四事行能遵修者嚴淨佛道
何等爲四一曰奉行空事常有慈心無害衆生二曰
菩薩慇敬同學不爲輕慢三曰爲人說法以經惠施
無所希望四曰志常專一不懷供養衣食之心是爲
四佛時頌曰

其志常樂	篤信空無	修治清淨
最勝之道	猶如日光	隨時宣明
已得佛道	所喫過彼	未曾有人
知其瑕闕	爲大聖德	普忍一切
如是清淨	柔順之場	棄捐貢高

堪任無量	一切所有	上妙衣服
皆當以施	志佛道者	亦不從人
希望供養	是爲佛道	清淨之品
以不希冀	施無量法	恒修慇哀
念於衆生	志性常懷	恩德之義
是爲嚴淨	諸佛之道	假使樂奉
一切諸聖	若欲供養	無欲經典
常當承事	無極佛道	斯三寶者
皆田中生		

佛告無法行菩薩復有四事疾得佛道何謂爲四一



曰愛樂明經好於大乘二曰遠離愛欲不習放逸三
曰常濟貧匱供以所乏四曰能興法財七業施人是
爲四佛時頌曰

愛樂法師

志慕大乘

遠離愛欲

修清淨行

慙傷貧厄

濟諸危難

常以七財

施不懈道

佛告無怯行菩薩復有四事疾得佛道何謂爲四一
曰常行大慈哀諸羣生二曰常行大哀爲之雨淚三
曰常行大喜和顏悅人視於衆生四曰常行大護救
度三界生死之患是爲四佛時頌曰

常行於大慈

慙傷衆生類

念欲成就之

如母育其子

大哀遊終始

不畏諸患難

五趣如泡沫

慙之爲雨淚

和顏察衆生

以法而樂之

示以離衆苦

無痛長安隱

委靡隨五趣

方便示所宜

使度三界惱

獲致無上道

佛告無怯行菩薩若有勤求此總持者當習閑居數
詣法會等行清淨著淨衣服遵修四事威儀禮節之
正志不懈廢以若干種諸所供具未養法師篤信三
寶常懷恭敬謙遜卑順未曾懈歇常行精進無有諛



諂邪行之業心之所念常不離佛意所遵修解無所
有已無所有無所想念皆能曉了衆生性行動自謹
執心口相應愛樂諸佛請問落受悔過守節勸助德
本威儀禮節不違道教無應不應聞非人聲不以恐
怖不畏蛇玩毒螫之蟲奉敬師長修此經典未曾懈
倦佛說是經時三萬人從本已來未與道心今皆發
起無上正真道意五千人遠塵離垢諸法眼淨三萬
菩薩速得無所從生法忍佛言若有菩薩聞說是經
法皆得具足一切功勳無量辯才若族姓子族姓女
學菩薩道皆以七寶滿于三千大千世界恒邊沙劫
奉進三寶若復有人聞此經典福尊過彼若有菩薩
於百千劫奉五度無極而無大智無善權者不如聞
此經典之要福尊過彼是故族姓子嗚累汝等此經
相付殷勤勸助隨時將護今不忘失莫使增減長存
在世持誦誦讀廣分別義爲他人說假使遭厄殞歿
身命故當將願於此經典勿使忘失是佛之教佛說
如是無法行菩薩十族姓子諸大聲聞一切衆會天
龍鬼神阿須輪世間人聞經歡喜作禮而去
佛說決定總持經

佛說誘佛經

元魏天竺三藏法師菩提留支譯

如是我聞一時婆伽婆住王舍城耆闍崛山中與大
比丘眾千二百五十人俱菩薩入十千爾時會中有
菩薩摩訶薩名離憂悲在大會坐師子座遊戲菩薩
摩訶薩智光明菩薩摩訶薩梵雷音響雲聲菩薩摩
訶薩善作功德寶華光明菩薩摩訶薩師子遊步雲
雷音聲菩薩摩訶薩光明威德名聞菩薩摩訶薩無
邊智聚思惟莊嚴菩薩摩訶薩無邊寶華名稱菩薩
摩訶薩智慧光明辯才說意菩薩摩訶薩此十菩薩

吳江居士周砥德刻此卷初
會註考同昇離苦得樂修證菩提
益州妙門性淨對表彌修善書上
萬曆己亥年三月徑山寂照庵藏



摩訶薩集在會坐已於七年爲陀羅尼精勤修習而不能得滿七年已則生憂愁心尚不定況陀羅尼所求不得心生疲倦既於七年離癡覆蓋恒常經行求陀羅尼而不能得捨戒還家遠離佛法作鄙劣行於佛法中心生疑惑有如是過阿闍世王在大會坐爾時世尊於先已爲阿闍世王斷除疑悔阿闍世王既除疑悔一切憂惱皆得解脫於七日中捨財大施如是大施滿七日已爲聽法故七億衆生俱到佛所彼十菩薩諸善男子於佛法中已得罪過亦在會坐爾時會中有菩薩摩訶薩名不畏行得陀羅尼阿僧祇

劫法忍成就得無生忍種種辯才能知一切種智之門能說法門能知衆生深心信解而爲說法爾時不畏行菩薩摩訶薩從坐而起整服一相右膝著地合掌向佛白言大德此衆會中十善男子已於七年爲陀羅尼精勤修行所願不成捨離佛法而作俗人善哉世尊如方便說此善男子令速解知爾時世尊告不畏行菩薩言善男子當知如是十善男子未曾得聞謗佛法門此善男子曾謗佛來是故不能速疾得通爾時不畏行菩薩摩訶薩卽以偈頌問如來曰

我今問仁曰 光明之法王 若行菩薩行



惡業云何淨 無量勝智名 十力無障智

解脫無戲論 說菩薩淨行 我問無量智

我問斷惡意 我問無比尊 云何菩薩行

已脫一切縛 離煩惱破魔 知衆生心意

願說菩薩行 如華開笑面 有智行欲斷

說法斷有意 願說菩薩行 能與無量樂

善功德善行 於一切世間 作利益安樂

已於無量世 為捨所愛物 象馬寶百頭

無量妻子捨 以忍自調伏 樂戒功德行

決定勤精進 意常不憂惱 百種苦已盡

所求事究竟 願如應說法 除斷衆生苦

願說離三垢 云何離不善 願說菩薩行

調御益衆生

爾時世尊告不畏行菩薩摩訶薩言善男子此十善

薩本曾謗佛不畏行菩薩言世尊云何謗佛佛言不

畏行此十菩薩乃往過去第三十劫有佛號曰觀世

自在如來應正徧知出餓世界不畏行今此會中十

善男子於彼觀世自在如來入涅槃後皆作大姓大

富長者造五百寺於一一寺置千比丘時有法師名

曰辯積得陀羅尼坐法座上為衆說法五千諸佛皆



與辯才八萬億天守護供養辯積法師一說法時七
萬衆生悉皆不退阿耨多羅三藐三菩提一萬衆生
得須陀洹果善男子彼時有王名曰月得自共五百
婁女相隨俱往供養辯積法師敬重法故歌聲作樂
種種寶華散彼比丘梅檀等香用塗其身以五百領
好衣覆之於七日中一切樂具盡心供養如法師法
而供養之當於爾時彼長者子說彼比丘毀破淨戒
彼惡業報九千年墮大地獄於五百世雖生人中
受黃門身生夾人中生邪見家於六百世生盲無舌
七百世中雖復出家求陀羅尼而不能得何以故以

彼往世惡業障故善男子汝應善知如是法門我今
已說既得聞已若見法師實破戒者不得生瞋尚不
應說何況耳聞而得說耶善男子若有挑拔一切衆
生眼目罪聚若以瞋心看法師者所有惡業過彼罪
聚若斷一切諸衆生命所有罪聚若於法師生於惡
心經迴面頃所得罪聚彼前罪聚於此罪聚一百分
中不等其一於千分中亦不等一於百千分阿僧祇
分若歌羅分若數分中不等其一於譬喻分乃至憂
波尼沙陀分中不等其一何以故若謗法師卽是謗
佛善男子若有希望供養佛者彼人則應供養法師



若有希望供給佛者彼人則應供給法師若有希望
禮拜佛者彼人則應禮拜法師何以故以從菩薩生
一切智以從菩薩生諸佛故善男子菩薩何日發菩
提心既發心已不住欲樂煩惱不染不住一切非梵
行事應如是知如是菩薩入無色定不生無色何以
故菩薩不隨三昧力生以願力生如是菩薩解脫一
切毛道凡夫愚疑人行若有能見虛空色者彼人能
見菩薩煩惱善男子譬如阿那婆達多龍王龍象數
攝與一切龍體相無異能三種過悉皆遠離何等爲
三一者熱沙不墮其頭二者不以蛇身行欲三者無
有迦樓羅畏如是善男子此三龍過所不能汙菩薩
摩訶薩亦復如是一切戲樂皆悉具有於三有中欲
煩惱苦不能覆蔽應如是知又善男子譬如取魚衆
生之類於水中行水中見物入水不死善男子菩薩
摩訶薩亦復如是行於生死住凡夫行常求智行修
習正法心不迷亂凡夫之事所不能汙三有之苦所
不能汙是故菩薩摩訶薩常應自護勿謗法師爾時
世尊而說偈言

若欲供養佛 若欲禮如來 但供養佛子
第一供養佛 我說以衣鉢 坐臥經行處



如是等應施 發菩提心者 如是供養佛

如是供養法 佛為世間上 皆從法中生

是人孤獨智 與闇眼者明 示迷者正道

將向不死處 若一切財寶 常施一切佛

雖如是奉施 不能報佛恩 若從今已去

常供養法師 不謗不說者 則報諸佛恩

爾時不畏行菩薩摩訶薩白佛言世尊有方便門令

此菩薩淨惡業不佛言有不畏行有陀羅尼此善男

子若能出家專心誦此陀羅尼句惡業則淨

多執他音通句長音不重阿制句阿車婆瓊句阿那

毗麗句阿施黎殺持債句阿訖史帝句阿那由系句

阿系句阿毗阿長離句阿婆重音不音重婆句頭樓

唐驚磨句由多若多長納波囉頗閉句尼伽地持債句

曼伽囉系句侯侯迷句遮波麗句娑邏摩細句三

摩提句余長知句那耶波離舒長池重帝句

善男子此十善男子若能誦此陀羅尼句於七日中

一切放捨不食雜食心不散亂不著諸色心不分別

捨憍慢意常誦不止更無所作不與人雜行平等心

常行利益心常修習五陰無常而不捨離常修念佛

若如是行於十方中現見千佛爾時彼會十善男子



問佛說已卽爾出家專心誦此陀羅尼句七日精進
隨順攝取亦常修習念佛三昧見一千佛彼惡業障
懺悔盡滅爾時卽得一切智門集陀羅尼滅三十劫
生死之業不退阿耨多羅三藐三菩提不畏行當知
爾時供養法師月得王者今無量壽如來應供正徧
知是阿闍如來應正徧知則是爾時辯積法師爾時
謗說辯積法師十長者兒大姓童子卽是此會十善
男子彼十長者大姓童子爾時謗說辯積法師毀犯
淨戒如是善男子隨諸菩薩於何等寺若善惡住乃
至失命身死因緣不見其過何以故善男子菩薩具
有四種淨法何者四種一者修空二者常於一切衆
生不破壞心三者於諸菩薩常與利益四者說法不
求資生善男子此是四法菩薩摩訶薩清淨菩提法
爾時世尊爲明此義以偈說曰

若能信解空 佛說第一法 如是清淨行

彼常不放逸 不破壞衆主 不說破壞語

彼人得成佛 光明照世間 此第二淨道

聞已作利益 於衆生行忍 莫作破壞行

有法善無垢 施發心菩薩 若不求恩報

第三菩提道 決定生悲心 說法不求利

如深心憐愍 第四道智淨

復次善男子修陀羅尼菩薩摩訶薩阿蘭若行親近
聞法著鮮淨衣獨住閑居四威儀中常思惟行以種
種物布施法師生正信心不隨他語不生疲倦常精
進行心不諛諂不離念佛心無所得善修無相如說
而行以信解心請佛懺悔隨喜迴向恒常正行不越
威儀不畏教誡依上尊住一切名行於此法中不疲
倦修說此法時三萬衆生本未曾發菩提之心聞此
法已發菩提心五千衆生遠塵離垢於諸法中得法
眼淨三萬菩薩一切皆得無生法忍善男子若諸善

薩摩訶薩等聞此法門得福甚多若以七寶滿於三
大千世界於日月中布施三寶如是乃至恒河沙
劫若復得聞如是法門其福爲勝若復能行五波羅
蜜經一千劫惟除般若波羅蜜門若人得聞如是法
門其福爲勝善男子若復有人於一千佛晨起日中
日暮供養尊重讚歎如意供給若有得聞如是法門
其福爲勝如是善男子應當護念如是法門我今付
汝爲令擁護受持讀誦解說其義爲令書寫乃至失
命身死因緣應當護念隨順修行如來說已不畏行
菩薩摩訶薩及餘菩薩彼諸比丘一切衆會并諸天



人及阿脩羅乾闥婆等聞佛所說皆大歡喜
佛說誘佛經

吳江居士周砥地對此卷新
會經考周砥地然苦得樂修證菩提
金剛淨門性淨般若明修明者深木
萬層已支奉三引想出家證菩提





國立中央圖書館藏



TIFFEN Color Control Patches

© The Tiffen Company 2007

Blue Cyan Green Yellow Red Magenta White Black 3/Color



國立中央圖書館, 臺灣, R.O.C.





14

